



28. sept. 2006

Inatsisartut Suleriaasianni § 36 imm. 1 naapertorlugu Naalakkersuisunut imaattunik apeqqutissaqarpunga.

(Kim Kielsen, Siumut)

Kalaallit Nunaata saarulliisa suffisarfi alliarthorfiilu pillugit Naalakkersuisunut apeqqu

Tunngavilersuut

Apeqquummut ataani taaneqartumut tunngaviuvoq, saarulliiit 2008-mi 2009-miluunniit imartatsinnut uternissaat biologit nalorninangitsumik ilimagimassuk, imatullu annertutigisussaalluni, allaat kalaallit aalisarnermi inuussutissarsiornerannut soqutiginaatilimmik iluanaarniutaasinnaalluni. Kalaallit Nunaat taamaalilluni nalituumik isumalluuteqalersinnaavoq, aalisarnitsinnut isertitanik annertuninngortitsisinnaalluni, suliffinnillu nutaanik pilersitsilluni.

Inuiaqatigiinnut kalaallinut isumalluut iluaqutaassappat, ataavartumik nungusaataangitsumillu ukiuni arlalinni atorluarneqartariaqarpoq, maannakkut nunatta nammineq saarulleriligaasa suffisarfiisaattut ilimanartut sumiissusersineqarnissaat pillugu isumaga malillugu suliniuteqartoqartariaqarluni. Iluanaarniutigalugu aalisarnermi ilisimasakinneq pissutigalugu, saarullit suffisarfiini aalisartoqarnissaa taamaalilluni pinngitsoortinniarneqassaaq.

1. Naalakkersuisut atsiortoq peqatigalugu pisariaqartutut isigaa, ukiut marluk iluini misiliilluni aalisarnerit aallarnisarneqassanersut, imaluunniit Pinngortitalerifik atorlugu saarulleqassusia, nunatta sineriaani aalisarfiinilu saarullit alliarthorfiisa suffisarfiisalu sumiissusersineqarnissat siunertaralugu, misissuineq ingerlanneqassalluni.
2. Apeqqu siulleg Naalakkersuisut iluoornerarsinnaassappassuk, mississorneqarsinnaasullu tunngavigalugit, eqqarsaatigisinnaanerlugu teknikkikkut piujuartitsinissamik iliuuseqartoqarsinnaanersoq, tulliullugu Naalakkersuisut anguniassamaarpat, taamaalilluni sakkut aalisarnermut atortut/angallatillu angissussii aalajangersimasut alliarthorfitut piffinni sumiissusersineqartuni kisimik atorneqassallutik?
3. Misissuinerujumaartutiguttaaq alliarthorfiissat assigiinngitsut nalunaallissagarlupata ”saarullinnik aalisarfiissatut karsinik”, nunatta nammineerluni saarullerileriumaagaannut piffiit taakku immikkut pingaaruteqartussaanerat pissutigalugu, iluanaarniutigalugu aalisarfi-geqqusaanngitsunik Naalakkersuisut pilersitsissamaarpat?
4. Iluanaarniutigalugu aalisarnermi aalisakkanut aamma soqutiginaatilinnut imartatsinniittunut iluanaarniutaasunut allanut Naalakkersuisut suliniuteqassamaarpat?